

MEPF/XMLC/pvi

**RESOLUCIÓN DA DIRECCIÓN XERAL DE FORMACIÓN PROFESIONAL POLA QUE SE CONVOCAN, CON CARÁCTER EXTRAORDINARIO, AS PROBAS ESPECÍFICAS DE ACCESO AO CICLO INICIAL DO GRAO MEDIO EN SENDEIRISMO, AO CICLO FINAL DE GRAO MEDIO EN MEDIA MONTAÑA, AO CICLO FINAL DE GRAO MEDIO EN BARRANCOS E AO CICLO FINAL DE GRAO MEDIO EN ESCALADA, CONDUCENTES AOS TÍTULOS DE TÉCNICO DEPORTIVO EN MEDIA MONTAÑA, TÉCNICO DEPORTIVO EN BARRANCOS E TÉCNICO DEPORTIVO EN ESCALADA, SOLICITADAS POLO CAD SAFE FORMACIÓN DE OURENSE.**

Con data de rexistro de 28 de xuño de 2023, o centro autorizado CAD SAFE Formación solicitou, perante esta Dirección Xeral de Formación Profesional, autorización para a realización das probas específicas de acceso ao ciclo inicial de grao medio en sendeirismo, ao ciclo final de grao medio en media montaña, ao ciclo final de grao medio en barrancos e ao ciclo final de grao medio en escalada, correspondente aos títulos de Técnico deportivo en Media Montaña, Técnico deportivo en Barrancos e Técnico deportivo en Escalada.

Pola *Orde do 29 de xaneiro de 2018* (DOG 14 de febreiro) autorízase ao Centro Autorizado de Ensinanzas Deportivas SAFE EDUCACIÓN E FORMACIÓN S.L. de Ourense para impartir, as ensinanzas conducentes ao título de técnico deportivo nas especialidades de Media Montaña, de Barrancos e de Escalada.

*A Orde EFP/574/2021, do 7 de xuño (DOG 10), establece o currículo dos ciclos inicial e final de grao medio correspondente aos títulos de Técnico deportivo en Barrancos, Técnico deportivo en Escalada e Técnico deportivo en Media Montaña.*

O capítulo V da precitada Orde do 22 de xullo de 2021 (DOG do 30) regula o acceso ás ensinanzas deportivas tanto en centros públicos como autorizados.



Na *Resolución do 4 de abril de 2023, da Dirección Xeral de Formación Profesional (DOG do 20 de abril)*, pola que se convocan probas de acceso ás ensinanzas deportivas para o curso 2023/24, non están recollidas as probas específicas de acceso ás modalidades de Barrancos, Escalada e de Media Montaña.

Tendo en conta o anterior, e co obxecto de garantir o acceso aos potenciais aspirantes para cursar as citadas ensinanzas, esta Dirección Xeral **RESOLVE**

1.- Convocar as probas específicas de acceso ao ciclo inicial do grao medio en sendeirismo, ao ciclo final de grao medio en media montaña, ciclo final de grao medio en barrancos e ao ciclo final de grao medio en escalada correspondente aos títulos de Técnico deportivo en Media Montaña, Técnico deportivo en Barrancos e Técnico deportivo en Escalada, que se realizará de acordo ao seguinte:

- O tribunal avaliador constituirase nalgún día anterior a data dos exames, reunirse outro día para a preparación dos exames e das instalacións onde se realizarán as probas, e reunirse nalgún día posterior a data dos exames para rematar a avaliación e resolver as reclamacións, se as houberse.
- As probas terán lugar **o xoves 14 e o venres 15 de setembro de 2023** na **Estación de esquí de Manzaneda** (Concello de Pobra de Trives) e no **Val do Cenza** (Concello de Vilariño de Conso), concretamente no Barranco de Ola da Cenza. En caso de que as condicións metereolóxicas non permitan realizar as probas neses días, o tribunal poderá cambiar as datas das probas.
- A distribución das probas será a seguinte:

#### I. Ciclo inicial en grao medio en Sendeirismo:

Nome da proba	Data da proba	Hora da proba
• Proba de equipo técnico persoal	14/09/2023	A partir das 16:00 h
• Proba de progresión e resistencia por terreo de baixa montaña	14/09/2023	A partir das 16:30 h

#### II. Ciclo final en grao medio en Media Montaña:

Nome da proba	Data da proba	Hora da proba
• Orientación	14/09/2023	A partir das 17:00 h
• Progresión en baixa e media montaña	15/09/2023	A partir das 09:00 h





### III. Ciclo final en grao medio en Barrancos:

Nome da proba	Data da proba	Hora da proba
<ul style="list-style-type: none"><li>• Escalada IVº</li><li>• Preparación acceso ao barranco</li><li>• Descenso de barranco</li></ul>	14/09/2023	A partir das 09:00 h
<ul style="list-style-type: none"><li>• Orientación</li></ul>	14/09/2023	A partir das 17:00 h
<ul style="list-style-type: none"><li>• Progresión en baixa e media montaña</li></ul>	15/09/2023	A partir das 09:00 h

### IV. Ciclo final en grao medio en Escalada:

Nome da proba	Data da proba	Hora da proba
<ul style="list-style-type: none"><li>• Escalada libre a vista</li><li>• Escalada vía semiequipada</li></ul>	14/09/2023	A partir das 09:00 h
<ul style="list-style-type: none"><li>• Orientación</li></ul>	14/09/2023	A partir das 17:00 h
<ul style="list-style-type: none"><li>• Progresión por terreo variado</li></ul>	15/09/2023	A partir das 09:00 h

- Só poderán inscribirse na proba específica as persoas aspirantes que reúnan os requisitos académicos establecidos para poder cursar estas ensinanzas.
- A inscrición para a realización das ditas probas deberá formalizarse na secretaría do CIFP A Farixa (Rúa Finca Farixa s/n, Mariñamansa, Ourense 32005) ata o día **7 de setembro de 2023**, presentando a documentación establecida na citada *Resolución do 4 de abril de 2023, da Dirección Xeral de Formación Profesional (DOG do 20 de abril)*, e logo de aboar os prezos públicos establecidos para este tipo de probas no Decreto 89/2013, do 13 de xuño.
- A listaxe provisional das persoas admitidas publicárase o **8 de setembro de 2023** no taboleiro de anuncios e na páxina web do CIFP A Farixa.
- As reclamacións á listaxe provisional de persoas admitidas e a entrega da documentación que se lles requira aos/ás aspirantes realizarase o día **11 e 12 de setembro de 2023** a través da secretaría do citado CIFP.
- A listaxe definitiva das persoas admitidas e a distribución dos/das aspirantes en función das probas publicárase o **13 de setembro de 2023** no taboleiro de anuncios e na páxina web do CIFP A Farixa.
- A listaxe provisional das cualificacións das persoas aspirantes publicárase o día **18 de setembro de 2023** no taboleiro de anuncios e na páxina web do CIFP A Farixa.





- As reclamacións á listaxe provisional das cualificacións realizarase os días **19 e 20 de setembro de 2023** a través da secretaría do citado CIFP.
- A listaxe definitiva das cualificacións das persoas aspirantes publicarase o **21 de setembro de 2023** no taboleiro de anuncios e na páxina web do CIFP A Farixa.
- O tribunal da avaliación terá a categoría cuarta, e as persoas que o integran percibirán as correspondentes compensacións económicas polas actividades realizadas, conforme o disposto no *Decreto 144/2001, do 7 de xuño, sobre indemnizacións por razón do servizo do persoal con destino na Administración autonómica de Galicia, ou norma que o substitúa.*
- As probas serán administradas, avaliadas e cualificadas por un tribunal que estará integrado polos seguintes membros:
  - Presidente: Marcos Antonio Fernández Álvarez (inspector de Educación)
  - Secretario: Miguel Aragón Fitera
  - Vogal 1: José Carlos Romay Cambón
  - Vogal 2: José Manuel Pérez Prego
  - Vogal 3: Juan José Cano Blázquez

Atendendo ao artigo 11 da *Orde EFP/574/2021, do 7 de xuño (DOG 10)*, pola que se establece o currículo dos ciclos inicial e final de grao medio correspondente aos títulos de Técnico deportivo en Barrancos, Técnico deportivo en Escalada e Técnico deportivo en Media Montaña, o tribunal estará formado por un presidente/a, un secretario/a e 3 avaliadores/as. Polo tanto, en caso de ser un número inferior a 5 o día da proba, non poderá levarse a cabo ditas probas.

Santiago de Compostela, na data da sinatura dixital

A directora xeral de Formación Profesional

María Eugenia Pérez Fernández

**Servizo Territorial de Inspección Educativa**

**Rúa Concello, 11 32003 Ourense**

